

筆花醫鏡



# 膀胱部 足太陽屬腑

膀胱者州都之官津液藏焉氣化則能出矣然腎氣足則化腎氣不足則不化入氣不化則水歸大腸而爲泄瀉出氣不化則閉塞下焦而爲癰腫小便之利膀胱主之實腎氣主之也傷寒傳經之邪每自膀胱入一見太陽頭痛等症卽宜發散不使邪氣入爲諸經害則膀胱爲第一關隘矣

膀胱爲太陽腑有表症左尺脈必浮其症爲頭痛爲項脊強爲身痛四肢拘急爲發熱爲惡寒無汗爲喘



嗽

頭痛者頭腦痛而連項脊也加味香蘇散主之

者加羌活葱白

項脊强者太陽經所過之地也香蘇散主之

身痛四肢拘急者風傷衛寒傷營寒主收引也桂

枝湯主之

發熱者腠理閉塞也香蘇散主之

惡寒無汗者寒乘表也麻黃湯主之

喘嗽者寒邪客於皮毛肺氣不得升降也麻黃湯

主之輕者止嗽散



北京中医药大学图书馆版权所有

膀胱之虛腎氣不化也。脈左尺必細沉。其症爲小便不禁。爲勞淋。爲老淋。

小便不禁者。氣虛不能統攝也。十補湯主之。

勞淋者。勞力辛苦。氣虛不化也。補中益氣湯主之。  
老淋者。老人思色。精不出而內敗。大小便牽痛如淋。宜萆薢分清飲。去黃柏加兔絲遠志。以去其精。再服六味地黃丸。

膀胱之實。脈左尺必洪大。其症爲氣淋。爲血淋。爲關格。爲膀胱氣。

氣淋者。氣滯水道阻塞。臍下脹痛也。假蘇散主之。



北京中醫藥大學圖書館版權所



血淋者蓄瘀莖中割痛難忍也生地四物湯加紅  
花桃仁花蕊石主之

關格者溺閉而吐逆也假蘇散主之

膀胱氣者一名胞痺氣結膀胱少腹熱澹於小便

也橘核丸主之

膀胱之寒左尺必沉遲其症爲冷淋

冷淋者寒氣堅閉水道肢冷喜熱也金匱腎氣丸

主之

膀胱之熱左尺必數其症爲小便不通爲膏淋爲石

淋爲便膿血爲發狂



小便不通者。渴則熱在上焦。四苓散加山梔黃芩。  
不渴則熱在下焦。滋腎丸主之。

膏淋者。滴液如膏也。萆薢分清飲主之。

石淋者。下如沙石也。益元散加琥珀主之。

便膿血者。心氣遺熱於膀胱也。阿膠散主之。

發狂者。傷寒熱結膀胱。下焦蓄血。少腹硬滿也。  
調胃承氣湯主之。

### 膀胱部藥隊

補膀胱藥。卽補腎之藥。腎氣化則小便自行。

瀉膀胱猛將 羌活 麻黃 防己 木通 葶藶



北京中医药大学图书馆版权所有

猪苓

瀉膀胱次將

獨活

防風

蒲黃

川楝子

前胡

藁本

澤瀉

葱

涼膀胱猛將

甘遂

龍膽草

涼膀胱次將

車前子

茵陳

海金沙

川黃柏

溫膀胱猛將

吳茱萸

溫膀胱次將

烏藥

茴香

膀胱部列方

假蘇散

治氣淋

荊芥

陳皮

香附

炒麥芽

瞿麥

木通



北京中醫藥大學圖書館版權所有



赤苓 各二錢

生地四物湯 治血淋

生地 三錢 歸身 赤芍 各一錢五分

川芎 一錢

香蘇散 桂枝湯 麻黃湯 止嗽散 益元散

補中益氣湯 六味地黃丸 金匱腎氣丸

調胃承氣湯 以上諸方俱見首卷

十補丸 葶藶分清飲 阿膠散 三方見心部

橘核丸 見肝部

四苓散 見脾部

滋腎丸 見腎部





皇金

卷二

醫



# 膽部 足少陽屬膽

膽者清虛之府居半表半裏之交與肝爲表裏氣血足則膽氣壯氣血虛則膽氣怯膽受邪卽陰陽交戰而寒熱往來故瘧症之來不一而總不離平少陽也然其擔事之力猶中正之官不偏不倚決斷出焉

膽有表症左關脈必浮而弦其症爲頭汗爲寒熱往來

頭汗者寒邪將化火也小柴胡湯加丹皮主之  
寒熱往來者陰陽相爭也小柴胡湯主之



膽之虛左關脈必細軟其症爲驚悸爲太息

驚悸者心血不足以壯之也安神定志丸主之

太息者氣虛也四君子湯主之

膽之實左關脈必洪其症爲胸滿爲脇痛爲耳聾

胸滿者邪氣結聚也小柴胡湯加枳殼桔梗主之

脇痛者邪入膽經布之脇下也小柴胡湯加山梔

枳殼主之

耳聾者氣火上衝而閉也逍遙散加蔓荊石菖蒲

香附主之或小柴胡湯

膽之寒脈左關必遲其症爲精滑爲嘔吐爲舌苔滑



精滑者肢腫食少心虛煩悶坐臥不安溫膽湯主之

嘔吐者邪正相爭也小柴胡湯加藿香湯主之

舌苔滑者邪未化火也二陳湯主之

膽之熱脈左關必弦數其症爲口苦爲嘔吐爲盜汗爲目眩

口苦者熱在膽膽汁泄也小柴胡湯主之

嘔吐者膽移熱於胃也小柴胡湯加薑炒竹茹主之

盜汗者熱開腠理也小柴胡湯加丹皮主之



目眩者膽附於肝肝竅在目熱故眩也小柴胡湯  
加山梔主之

膽部藥隊

補膽猛將 烏梅

補膽次將 棗仁

瀉膽猛將 桔梗 青皮

瀉膽次將 柴胡 香附 秦艽 川芎

涼膽猛將 龍膽草

涼膽次將 青蒿 槐實

溫膽猛將 肉桂 細辛



溫膽次將 山茱萸

膽部列方

溫膽湯 治膽氣虛寒夢遺精滑等症

製半夏

一錢五分

枳實

八分

陳皮

茯苓

各一錢五分

人參

一錢

熟地

炒棗仁

各三錢

遠志

一錢

五味

子

一錢

甘草

炙五分

生薑三片棗一枚

小柴胡湯

四君子湯

逍遙散

三方俱見首卷

安神定志丸

見心部

二陳湯

見肝部





北京中医药大学图书馆版权所



# 大腸部

手陽明屬腑

大腸者腎陰之竅傳道之官受事於脾胃而與肺金相表裏故肺氣虛則腸若墜而氣爲之陷腸液少則肺亦燥而鼻爲之乾其呼吸甚密邇也然腸口上接小腸下通穀道爲諸臟泄氣之門啟閉一失職而諸臟困矣

大腸無表症皆屬於裏

大腸虛者氣虛也脈右尺必沉弱其症爲久痢爲脫

肛

久痢者氣血不足也歸脾湯十全大補湯補中益

氣湯加烏梅均可

脫肛者氣虛下陷也補中益氣湯加荷葉主之

大腸實者胃實移熱也脈右尺必洪實其症爲便閉

爲臟毒爲燥渴譫語發狂爲腸癰

便閉者實火閉也小承氣湯主之

臟毒者腸胃不清下如魚腸如豆汁也芍藥甘草

湯主之

燥渴譫語發狂者燥屎不出也小承氣湯主之

腸癰者當臍而痛溺數如淋千金牡丹皮散主之

大腸寒者積冷也脈右尺必沉遲其症爲久痢爲便



北京中醫藥大學圖書館版權所有